



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-444; 726-400
fax. +387 33 726-423
e-mail: info@voda.ba

Broj: **UP-1/21-1-40-074-5/24**
Datum: **16.05.2024. godine**

«Agencija za vodno područje rijeke Save» Sarajevo rješavajući po zahtjevu Investitora Grad Zavidovići za izdavanje rješenja o prethodnoj vodnoj saglasnosti za prelazak cjevovoda DN 110 mm, NP 20 bara ispod korita rijeke Krivaje, Grad Zavidovići, na osnovu člana 109. stav 1. tačka 10., a u vezi sa članom 12. Zakona o vodama («Službene novine Federacije BiH», broj 70/06) i člana 200. stav 1. Zakona o upravnom postupku («Službene novine Federacije BiH», broj 2/98, 48/99 i 61/22), **donosi**

RJEŠENJE **o prethodnoj vodnoj saglasnosti**

1. Investitoru, Grad Zavidovići, daje se prethodna vodna saglasnost za prelazak cjevovoda DN 110 mm, NP 20 bara ispod korita rijeke Krivaje predviđen na parceli k.č. broj: 1942 i 1762 K.O. Krivaja i k.č. broj: 1377 i 1/1 K.O. Hrge, Grad Zavidovići, a u postupku pribavljanja urbanističke saglasnosti.
2. Prethodna vodna saglasnost daje se na osnovu pregleda dostavljene dokumentacije i pod slijedećim uslovima:
 - 2.1. Da korisnik prethodne vodne saglasnosti osigura izradu tehničke dokumentacije (na nivou Glavnog projekta) na osnovu koje će se vršiti izvođenje radova na polaganju cjevovoda ispod korita rijeke Krivaje.
Tehnička dokumentacija za predmetni dio trase mora biti izrađena od strane pravnog lica koje ima ovlaštenje za izradu dokumentacije na osnovu koje se izdaju vodni akti, izdato od strane Federalnog ministarstva za poljoprivredu, vodoprivredu i šumarstvo Sarajevo (lista „A“).
 - 2.2. Projektnom dokumentacijom jasno definisati mjesto prelaska cjevovoda ispod korita rijeke Krivaje, dati rješenja prolaza i osiguranja cjevovoda ispod vodotoka, te sagledati sve moguće neželjene uticaje na režim površinskih i podzemnih voda, objekte i postrojenja, stečena prava korisnika, postojeću infrastrukturu, naselja i sl., te dati prijedlog mjera za uklanjanje, odnosno sprečavanje tih uticaja.
 - 2.3. Prikaz predmetne trase gasovoda ispod korita r. Krivaje na snimljenoj situaciji odgovarajuće razmjere koja odražava trenutno stanje na terenu, sa prikazom udaljenosti istog od postojećih i planiranih hidrotehničkih objekata (nasip, inundacija, obloga korita, kaskade, stabilizacioni pragovi, temeljne grede i sl.) ukoliko takvih objekata ima ili su planirani.
 - 2.4. Na mjestu prelaska cjevovoda ispod korita r. Krivaje snimiti poprečni profil i dati detalj ukopavanja i zaštite cjevovoda u betonskom bloku u koji će biti položena zaštitna cijev u koj će se uvući vodovodna cijev DN 110mm. Način zaštite i stabilizacije cjevovoda treba predvidjeti tako da isti ne smije uticati na promjenu postojećeg režima voda, uslove tečenja, te da ne smije doći do oštećenja korita i obala r. Krivaje.
 - 2.5. Tehnologiju izvođenja radova izabrati sa posebnom pažnjom kako u toku realizacije ne bi došlo do narušavanja postojećeg stanja korita i objekata uređenja vodotoka, poremećaja okolnog tla, te narušavanja obalnog područja rijeke Krivaje. Opisati tehnologiju izvođenja radova na mjestu prelaska ispod korita r. Krivaje.
 - 2.6. Da se ukrštanje cjevovoda sa postojećim instalacijama ukoliko se tokom razrade projektne dokumentacije utvrdi da ima takvih, projektuje u skladu sa tehničkim propisima za ovu vrstu radova i prema uslovima i saglasnosti organizacije koja upravlja navedenim sistemom.

- 2.7. Dati ocjenu mogućnosti nastajanja negativnih uticaja predmetne gradnje na režim voda (površinskih i podzemnih), eventualnih uticaja na postojeće objekte, stečena prava postojećih korisnika, na planirane objekte, korito rijeke Krivaje i okolinu sa mjerama za ublažavanje tih uticaja
- 2.8. Pri izradi tehničke dokumentacije pridržavati se pravila struke i nauke te zakonske regulative vezane za ovakvu vrstu radova, te ekološko-ekonomskih zahtjeva.
3. Nakon izrade projektne dokumentacije u skladu sa uslovima iz tačke 2. ovog dispozitiva, a prije pribavljanja odobrenja za građenje, podnosilac zahtjeva je dužan zatražiti vodnu saglasnost na projektnu dokumentaciju. Pored investiciono – tehničke dokumentacije urađene u skladu sa uslovima datim u dispozitivima ovog Rješenja, Investitor treba dostaviti i dokumentaciju navedenu u skladu sa članom 8. i 19. Pravilnika o sadržaju, obliku, uslovima, načinu izdavanja i čuvanja vodnih akata.
4. Prethodna vodna saglasnost se daje sa rokom važenja od 3 (tri) godine od dana pravosnažnosti ovog rješenja, u skladu sa članom 111. stav 3. Zakona o vodama.
5. Ukoliko nakon izdavanja ove prethodne vodne saglasnosti, a u toku pripreme dokumentacije za podnošenje zahtjeva za izdavanje vodne saglasnosti, nastupe okolnosti za koje se može pretpostaviti da mogu biti od uticaja na rješavanje zahtjeva za donošenje rješenja o vodnoj saglasnosti, nosilac prava iz prethodne vodne saglasnosti dužan je o nastanku tih okolnosti obavjestiti ovu Agenciju, odnosno kantonalno ministarstvo, prije podnošenja zahtjeva, odnosno obavezno navesti okolnosti u zahtjevu za izdavanje vodne saglasnosti.

OBRAZLOŽENJE

Investitor, Grad Zavidovići, se dana 20.02.2024. godine obratio ovoj Agenciji sa zahtjevom za donošenje rješenja o prethodnoj vodnoj saglasnosti za prelazak PE 100 cjevovoda DN 110 mm, NP 20 bara ispod korita rijeke Krivaje predviđen na parceli k.č. broj: 1942 i 1762 K.O. Krivaja i k.č. broj: 1377 i 1/1 K.O. Hrge, Grad Zavidovići, a u postupku pribavljanja urbanističke saglasnosti.

Uz zahtjev je dostavljena i slijedeća dokumentacija:

- Ovjerena kopija uvjerenja o registraciji poreznog obveznika izdato od Kantonalnog poreznog ureda Zenica dana 29.06.2022. godine;
- Ovjerena kopija katastarskog plana, razmjera 1:5000, broj plana 4., UR broj: 06/6-30-643/2024-2 od 13.02.2024. godina izdato od Službe za upravu geodetskih, imovinsko-pravnih poslova i urbanizma, Grad Zavidovići;
- Ovjerena kopija katastarskog plana, razmjera 1:2500, broj plana 9., UR broj: 06/6-30-643/2024-1 od 13.02.2024. godina izdato od Službe za upravu geodetskih, imovinsko-pravnih poslova i urbanizma, Grad Zavidovići;
- Posjedovni list broj 433, broj: 06/6-30-530/24-4 od 07.02.2024. godine izdat od Službe za upravu geodetskih, imovinsko-pravnih poslova i urbanizma, Grad Zavidovići;
- Posjedovni list broj 433, broj: 06/6-30-530/24-4 od 07.02.2024. godine izdat od Službe za upravu geodetskih, imovinsko-pravnih poslova i urbanizma, Grad Zavidovići;
- Posjedovni list broj 209, broj: 06/6-30-5267/23-2 od 05.12.2023. godine izdat od Službe za upravu geodetskih, imovinsko-pravnih poslova i urbanizma, Grad Zavidovići;
- Kopija Rješenja o urbanističkoj saglasnosti broj: 06-19-1628/23-UP-1-2 od 13.07.2023. godine izdato od Službe za upravu geodetskih, imovinsko-pravnih poslova i urbanizma, Grad Zavidovići;
- Studija za izdavanje PVS-Prelaz cjevovoda ispod rijeke Krivaje, vodovod Krivaja-Smailbašići, Broj: 08-IB-S/23, II/2023 urađena od „IBIS“ d.o.o., Zavidovići;
- Dokaz o uplaćenju upravnoj taksi na zahtjev.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari. U skladu sa članom 124. stav (1) Zakona o vodama o zahtjevu je dana 10.01.2024. godine obaviještena javnost putem obavještenja na oglasnoj ploči «Agencije za vodno područje rijeke Save» Sarajevo i u dnevnom listu „Oslobođenje“ objavljenom dana 12.01.2024. godine. U datom roku nije bilo pisanih izjašnjenja o predloženim aktivnostima iz zahtjeva. Na osnovu objave, oglašavanja u dnevnom listu „Oslobođenje“, investitor je na osnovu Zaključka o visini i roku za plaćanje posebnih troškova broj: UP-1/21-1-40-074-4/24 od 27.04.2024. godine uplatio iznos po računu broj: 24-3600-000074 dostavljen od O Media d.o.o., za troškove obavješćavanja javnosti putem oglasa.

Na osnovu uvida u dostavljenu dokumentaciju utvrđeno je sljedeće:

Cilj predmetne aktivnosti jeste rješavanje vodosnabdijevanja naselja u MZ Krivaja-Smailbašići putem distributivne mreže i prelaza distributivnog cjevovoda ispod dna korita rijeke Krivaje. Planirano je polaganje cjevovoda DN110 mm u zaštitnom PP korugovanom cjevovodu profila DN/OD 200 mm kroz koji se naknadno provlači vodovodna cijev. Zaštitni cjevovod se polaže u rovu širine 60cm, dubine 120 cm ispod dna korita rijeke Krivaje, sa zaštitom od betona i lomljenog kamena.

Ova prethodna vodna saglasnost odnosi se isključivo na dionicu cjevovod kojem se trasa ukrštava sa rijekom Krivaje i ne oslobađa podnosioca zahtjeva obaveze pribavljanja saglasnosti od strane drugih nadležnih organa za ostale dionice cjevovoda sa pripadajućim objektima planiranog vodovodnog sistema.

Aktivnost je definisana u Studiji za izdavanje PVS-Prelaz cjevovoda ispod rijeke Krivaje, MZ Krivaja-Smailbašići, Broj: 08-IB-S/23, II/2023 urađena od „IBIS“ d.o.o., Zavidovići.

Na osnovu utvrđenog činjeničnog stanja, a shodno članu 109. stav (1) tačka 10., a u vezi sa članom 12. i članom 111. Zakona o vodama, konstatovano je da sa aspekta sektora voda i priložene dokumentacije ne postoje zapreke da se podnosiocu zahtjeva, kao Investitoru, izda tražena prethodna vodna saglasnost, pa je doneseno rješenje kao u dispozitivu ovog Rješenja.

Uslovi za izdavanje vodne saglasnosti definisani su u tački 2. dispozitiva rješenja i isti trebaju biti obrađeni u investiciono-tehničkoj dokumentaciji, koju će Investitor dostaviti uz zahtjev i drugu potrebnu dokumentaciju za donošenje rješenja o vodnoj saglasnosti, shodno članu 114. Zakona o vodama.

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka: Meho Čaušević, Bsc.ing.grad.

Po ovlaštenju
Rukovodilac sektora za izdavanje vodnih akata



Haris Ališehović, dipl.ing.grad.

Dostaviti:

- GRAD ZAVIDOVIĆI, Ul. Safvet bega Bašagića bb, Zavidovići
- Ⓞ AVP Sava, ISV – Vodna knjiga
- Sektor 40 - arhiva
- Oglasna ploča - AVP Sava